

## Pleiv Rueun Ruschein Siat Pigniu

### Protocol dalla radunonza generala dils 13-06-2021 allas 19.00 uras a Pigniu

#### Beinvegni ed appel

Il president Duri Coray arva la radunonza cun beneventar tuttas presentas e tuts presents cordialmein.

Participaziun: 25 parochianas e parochians vuschabels

Perstgisas : Hugo Schär

Gliesta da tractandas:

1. Elecziun da dus/as dumbravuschs
2. Protocol dalla radunonza generala dils 23-08-2020 a Rueun
3. Rapport dil president
4. Plaid digl augsegner
5. Rendament da quen 2020 e preventiv 2021
6. Rapport da revisiun ed approbaziun dil quen
7. Damonda da credit per la revisiun totala dall`ura baselgia e tuchiez s. Gieri, Ruschein
8. Fixar il pei da taglia per 2021
9. Orientaziuns
  - delegau/ delegada e substitut/a corpus catholicum 2021- 2025
  - catecheta per la scola Ruschein
  - novs contracts per il schischom dalla pleiv
  - exposiziun Sur Flurin Camathias

- niev cudisch da cant sacral romontsch

10. Varia

### **1. Elecziun da dus/ as dumbravuschs**

Albert Spescha e Lorenz Alig vegnan tscharni ed elegi unanimamein.

### **2. Protocol dalla radunonza generala dils 23-8-2020**

Il protocol sura numnaus ei staus publica per liung temps sin la pagina d'internet dalla pleiv. Negin pretenda ina prelecziun.

Il protocol vegn approbaus unanim.

### **3. Rapport dil president**

Duri Coray dat en siu rapport cuort in sguard anavos sin il curriu e passau duront igl onn vargau. En special hagi la pandemia da corona fatschentau ed accompigniau nus .

Denton era il manteniment da nos baghetgs e schischom seigi in cuntinuau process. Cun rodund 30 baghetgs seigi quei era buca da schmarvegliar.

Ils 25 d'october ei la caplutta da s. Antoni Ruschein vegnida inagurada, quei suenter miez onn lavurs da renovaziun.

A Siat ei il tuchiez dalla caplutta da s. Gliezi vegnius electrificaus.

A Rueun, baselgia s. Andriu, ei l'ura baselgia sco era il tuchiez vegni renovai.

La digrend dalla cuminonza catholica fa denton empau quitaus al president. Tener sidretg las tradiziuns mo en ina pintga cuminonza vegni pli e pli stentus.

Alla fin da siu rapport engrazia il president a tuttas e tuts che segidan sin ina moda u l'otra e mantegnien aschia nossa pleiv.

#### 4. Plaid digl augsegner

All` entschatta da siu plaid menziunescha sur Thomas ,che nus hagian giu dapi la davosa radunonza generala, 6 affons ch`ein vegni bategiai e 6 mortoris en nossa pleiv.

La pandemia da corona hagi purtau biaras emozius negativas , surtut tier affons e giuvenils. La crisa stoppien nus surmuntar tuts ensemen era cun fidonza en Diu.

Sur Thomas engrazia a tuttas e tuts che segidan e fan part dil survetsch divin. Era allas calustras ed organists en l`entira pleiv engrazia el grondamein.

Il cassier Toni Albin presenta la bilanza per ils 31.12.2020, il quen da gudogn e sperdita per 2020 sco era il preventiv 2021.

Per ils 31.12. 2020 muossa la pleiv ora ina summa da bilanza ( activa ) da frs. 2'120'766.73 ed capital jester da frs. 510'757.25.

Quen da gudogn e sperdita per 2020		preventiv 2021
Total entradas	+ 304'950.50	+285'600 .-
Total expensas directas	- 9'993.37	-9'300 .-
Cuosts da persunal e funcziunaris	- 178'274.10	-191'000 .-
Total ulteriuras expensas	- 55'689.55	-66'400.-
Total deducziuns	-56'174.60	- 15'000.-
Total resultat da finanzas	<u>- 3'833.35</u>	<u>-3'900 .-</u>
Gudogn	<u>+985.53</u>	<u>0.00</u>

Ord la radunonza vegnan neginas damondas che han influenza sil quen.

## **6. Rapport dallas revisuras ed approvaziun dil quen e preventiv.**

Las revisuras Claudia Tomaschett ed Cornelia Coray han revediu il quen e san rapportar sco suonda

- che la bilanza per ils 31.12. 2020 ed il quen da menaschi 2020 corrispunda alla contabilitad
- che tuttas cudischaziuns ein mussadas ora entras ils mussaments necessaris
- che las vaglias cudischadas ein avon maun
- che las expensas ein fatgas tenor conclus dalla radunonza generala e sin fundament dalla constituziun
- che las fatschentas ein vegnidas menadas tenor la constituziun.

Sin fundament dil resultat da lur revisiun, proponan las revisuras d`approbar il quen annual 2020 e dar scarica a suprastonza e funcziunaris.

Il quen vegn approbaus unanim.

## **7. Damonda da credit per la revisiun totala dall`ura baselgia e tuchiez s. Gieri Ruschein.**

Il president declara la situaziun. Ils indrez technics da tucclar sco era da l`ura baselgia ein en in stan desolat e basegnan urgentamein d`ina revisiun.

Cuosts per la revisiun dil tuchiez frs. 18'000.- e per la revisiun da l`ura frs.14'000.-

Pia la damonda per in credit brutto da frs. 32'000.-

Senza discussiun conceda la radunonza il credit brutto necessari da frs. 32'000.- unanimamein.

La vischnaunca politica llanz/ Glion surpren 50% dils cuosts.

## **8. Fixar il pei da taglia per 2021**

Sin proposta dalla suprastonza decida la radunonza unanimamein da schar il pei da taglia per 2021 sin 16 % dalla taglia cantunala.

## **9. Orientaziuns**

--Delegau/ delegada e substitut/a dil corpus catholicum da 2021- 2025

Per il cumin Rueun resta Albert Spescha vinavon delegau dil corpus catholicum. Substitut ei Sigisbert Alig da Sursaissa vegnius nominaus.

-- Catecheta per la scola Ruschein

Clara Cadruvi ha demissiunau sco catecheta a Ruschein. Il president engrazia a Clara per sia lavur prestada. Irmgard Cavigelli surpren quell` incarica cun l`entschatta digl onn da scola 2021-2022.

--novs contracts d`affittaziun per il schischom dalla pleiv.

Il schischom d`agricultura dalla pleiv vegn mintgamai suenter ina perioda da 6 onns screts ora public, ed, tut tenor interess, affittaus da niev. Il setember 2021 succeda quella publicaziun, ed ils novs contracts entscheivan cun igl 1 da november 2021.

-- Exposiziun Sur Flurin Camathias

Sur Flurin Camathias oriunts da Laax ei era staus plevon a Siat ed ei staus ina persunalitad cun gronda muntada per nossa regiun e per la liturgia romontscha. El ei morts avon 150 onns. Laax ha instradau ina exposiziun d`art en commemoraziun da Sur Flurin. A Siat en caplutta da s. Glieci, san ins actual era prender investa da quell` exposiziun.

--niev cudisch da cant sacral romontsch

La suprastonza ha survegniu in avis, ch` in niev cudisch da cant sacral ecumen seigi en realisaziun e vegn en vendita igl onn 2022. Cun immediat havess la pleiv la pusseivladat d`empustar quei cudisch. La suprastonza da pleiv ha denton decidiu da buca empustar quei niev cudisch, quei demai che nos

Allelujas ein aunc en in bien stan e la suprastanza vesa negina necessitad da remplazzar.

## **10. Varia**

Michael Cavigelli exprima il giavisch da serrar giu cun ina fatschenta specialisada sin orglas in contract da service per tuttas 4 orglas dalla pleiv. La suprastanza vegn ad encurir ina favoreivla schligiaziun en causa.

Gianna Casanova exprima il giavisch d`illuminar las sculpturas entagliadas ord lenn , ch`ein exponidas en caplutta s. Gion a Siat. La suprastanza pren encunter quei giavisch.

Allas 20.15 siara il president la radunonza cun engraziar per la participaziun .

Pigniu ils 13-06-2021

il president Duri Coray

igl actuar Hubertus Spescha

